

吳江縣志

EX0220193

34

卷之七

名臣一

自公卿至簿尉凡有聲問在天下與在一邑者舊志皆謂之名臣兼循吏此例起於王文恪姑蘇志今仍之雖其間大小不齊要各有其實副之也孝友節義以下諸篇例倣此

○顧野王 祖子喬父烜

魏憲 弟志

○王份

趙礪老

莫子文

曾燿

莫禮 父謨

何源 孫昇

平思忠

沈信

范琮

莫震

莫昂

梅倫 父隴

盛景

丁傑

汝訥 父思聰

○吳洪

○趙寬 弟成宏

○葉紳

王哲

吳江縣志

卷二十六

名臣

陳

顧野王字希馮吳郡吳人也祖子喬梁東中郎武陵王府參軍事父烜信威臨賀王記室兼本部五官掾並以儒術知名野王幼好學七歲讀五經略知大旨九歲能屬文嘗製日賦朱异見而奇之年十二隨父之建安撰建安地記二篇長而編觀經史精記默識天文地理著龜占候蟲篆奇字無所不通梁大同四年除太學博士遷中領軍臨賀王府記室參軍宣城王為揚州刺史野王及瑯琊王褒並為賓客王甚愛其才野王又善丹青王於東府起齋令野王畫古賢命褒書贊時人稱為二絕及侯景亂野王丁父憂歸本郡乃召募鄉黨數百人隨義軍援京邑按資治通鑑太清三年正月己巳臨賀王記室吳郡顧野王起兵討景二月己丑引兵來至野王體素清羸裁長六尺又居喪過毀殆不勝衣及杖戈被甲陳君臣之義順逆之理抗詞作色見者莫不壯之京城陷野王逃會稽尋往東陽與劉歸義合軍據城拒賊侯景平太尉王僧辯深嘉之使監海鹽縣高祖作宰為金威將軍安東臨川王府記室參軍尋轉府諮議參軍

天嘉元年敕補撰史學士尋加招遠將軍光大元年除鎮東鄱陽王諮議參軍太
建二年遷國子博士後主在東宮野王兼東宮管記本官如故六年除太子率更
令尋領大著作掌國史知梁史事兼東宮通事舍人時宮僚有濟陽江總吳國陸
瓊北地傅緯吳興姚察竝以才學顯著論者推重焉遷黃門侍郎光祿卿知五禮
事餘官竝如故十三年卒時年六十三詔贈秘書監至德二年又贈右衛將軍野
王少以篤學至性知名在朝無過辭失色觀其容貌似不能言及其厲精力行皆
人所莫及第三弟充國早卒野王撫幼孤恩義甚厚所撰玉篇輿地志各三十卷
符瑞圖顧氏譜傳各十卷分野樞要續洞冥記元象表各一卷竝行於時又撰通
史要略一百卷國史紀傳二百卷未就而卒有文集二十卷

見陳書

朱鶴齡松陵文徵曰六朝時吳江地屬吳縣故本傳稱吳人古吳縣所轄甚廣
今以野王係吳江者據莫志吳江北門外有地曰顧墟爲野王舊宅今立廟致
祭故也若漢嚴忌僅有墓在邑之西南隅晉張翰但言思吳江之鱸魚卽不敢

吳江縣志

卷二十六 名臣

定其爲吳江人矣故志人物以野王爲首云

右一人在置縣前

宋

魏憲字令則紹聖四年進士與弟志俱有聲太學號熙豐人才憲累遷國子司業
親喪三年弗御酒肉廬墓側有芝草甘露之祥再爲司業以學行見推徧歷中外
師儒之選尋兼太子舍人遷中書舍人給事中其文溫厚雅正得代言之體宣和
二年以直龍圖閣知常州三年除太常少卿歷顯謨閣直學士知明州建炎二年
爲吏部侍郎時車駕南遷案牘散佚吏緣爲姦有僞名寄貫之弊憲請嚴保任開
告賞急期會以杜其弊又言古未有背天險以爲都者今京師北有長江虜騎由
京西不四五日可至淮泗宜有以待之入之以直學士左太中大夫提舉江州太
平觀進吳郡開國侯食邑一千二百戶食實封一百戶致仕歸名所居曰止庵學
者稱爲止庵先生年七十三無疾而卒弟志元祐六年進士資政和七年進士志

四世孫汝賢莫志云憲曾孫誤今從盧志淳祐四年特奏名狀元

朱鶴齡曰按姑蘇志云憲弟志字幾道建炎二年進士與邑志不合今按字幾道者乃元祐六年進士為憲之弟其建炎二年進士乃別一魏志盧王二郡志俱注云上舍附非憲弟也鶴齡辨誤

王份字文儒少力學工詩文隆興中以特恩補大冶令律身清謹政尚寬恕重學校置田以給士縣有疑獄即露香願天祈神助不苟決也縣產鐵舊有鐵務每過取病民份奏減其額民甚德之繪像祀焉在縣七年一日登西塞山誦張志和漁父詞西塞山前白鷺飛桃花流水鱖魚肥之句慨然太息即致仕歸作室於雪灘上極水木之勝號曰臞庵士大夫題咏甚多後三十年陸游過吳江見份遺居感歎其流風焉先是紹興間知縣事石公轍改建學校患地隘份即割其居址之東偏以獻公轍嘉之比諸范文正公乾道三年知縣事趙伯虛改建三高祠份又割其居址之西偏以獻寶祐三年知縣事曹良朋新其祠份孫粟復割其居地以廣

吳江縣志

卷二十六 名臣

之云

趙礪老字渭師其先東平人徙家邑之黎里鎮以婦翁歐陽懋待制澤入仕孝宗朝為書狀官隨范成大使金成大歸薦之丞相虞允文亦嘉其才而薦之擢正言乾道八年以右通直郎知楚州俄入為大理寺丞淳熙三年由兩浙轉運副使知臨安府四年除秘閣修撰五年權工部侍郎文獻通考云礪老門下侍郎野之姪其知臨安坐殿司招兵事謫饒州所著有拙庵雜著三十卷外集四卷

莫子文字仲武綺川人父大猷以薦仕至浙東常平司提幹子文少敏悟通九經諸史寶慶二年舉進士出知嘉興縣滿考候代會王疇奉使括田法甚苛細子文不從疇諧之田使劾其拒命理宗素知子文止降宣義郎制詞云勤撫字拙催科賢者之常也爾為令切切愛民乃不能汲汲赴功坐是為使所劾降爾一秩非朕得已然亦因是以知爾之為人仁矣田使見之怒持不與後五年始復其官制詞又曰君子之仕利鈍亦何常之有彼迎合希進之儔乃欲常利而無鈍然至於時

論卒亦不能有其有也可歎已頃奉行田令者倚法而逞爾制邑且受代乃能力抗其鋒期以不擾留遺所附民雖主計之臣請黜爾朕不爾忘也五年之騎於今而復士所當爲者不止此其益厲所守以副朕意後吏部尙書趙以夫言其能拒括田之令甘心受譴不以病民遷道州通判多美政累官至廣德軍兼管內勸農營田事賜緋魚袋致仕臨終自爲墓誌年八十二徐志云七十子若鼎嘉興錄事參軍孫中孚直顯文閣參獻集

潘禮章曰予考張杲人物志得理宗前後制詞溫厚誠摯深於激勸其體臣之道至矣故備錄之以見一時之異數焉

明

曾燿列朝詩集作烜字日章莫志作彰今從徐志以字行其先灤水人祖令富陽因家於杭父朴浙

西醫學提舉自杭徙吳江家學宮後燿少聰敏受春秋於嚴陵魯淵淵字道源充郡學

生訓導朱應辰授以經義學大進洪武中以歲貢明一統志云舉秀才授黃陂知縣興學校

吳江縣志

卷二十六 名臣

四

課農桑扶善抑強政聲大振秩滿以最聞卽解印綬歸釣於江上將終老焉三十

五年詞臣交薦擢翰林院侍讀永樂元年與修永樂大典未幾交趾黎氏篡立詔

燿往使諭以威福黎蒼語不遜燿折之具服宣讀如禮二年使還陳黎氏篡立當

征狀四年四月命從新城侯張輔西平侯沐春將兵討之又造輕舟數百越嶺嶠

昇至富良江軍中文檄皆出其手交趾平贊畫功居多五年還報復承命往諭諸

將至軍中以疾卒莫徐二志並云使還卒於富良江舟中此從獻集年六十三燿博學有才智未竟其用

子堅字孟堅亦以春秋起家授太僕寺典簿擢知開州厯官至四川雲南左布政

使孫鑑知縣參獻集

潘禮章松陵獻集曰分省人物志以使交南贊師有功系於洪武間此本續吳

先賢贊之誤太祖時未有黎氏父子同惡相濟之形而侍讀之擢在洪武二十

五年卽靖難後事耳今據實錄及王文靖墓碑訂正之

莫禮字士敬子文七此從莫志葉作六誤世孫也父諱字芝翁襟度侷儻洪武初嘗召見參

大臣謀議又嘗奉詔於京師營建費鉅萬計每萬壽節與大姓葛氏沈氏並進貢稱壽賜宴賚二十一年禮以稅戶人才徵授戶部員外郎與本部員外郎沈玠主事王公讓工部員外郎張瑾楊德彝主事徐衍兵部員外郎龔達可主事潘賢禮部員外郎金伯中主事李鼎十人俱疏陳辭祿許之秩滿陞本部右侍郎轉左侍郎禮勾較簿書精解版法朝廷嘉其能時新定賦輕重未有準禮嘗欲請上寬吳稅以甦民力不果二十六年藍黨事起同邑顧學文等坐同謀辭連禮被誅臨刑賦詩有片心忠義堅如石惟有皇天后土知之句人多傷之所著有東邨詩藁北

征集

參獻集

何源初名德源字幼澄同里人少從王文靖汝玉受易洪武二十八年克貢明年

舉鄉試第七會試中乙榜第一授德州學正

潘裡章曰莫志作保德州考英宗實錄源本傳授山東德州學正薦陞本

州知州徐志亦同今從之

以師道自任州士始有以科第顯者以薦擢知本州爲政廉明歲旱

鄰治多蝗源致齋禱神蝗不入境以母喪歸起爲梧州知府山水驟至湮沒田廬

吳江縣志

卷二十六

名臣

五

民多流亡衆議具奏賑之源曰若俟奏報民皆死矣乃首捐已俸次勸富民分廩賑給全活甚衆又悉毀境內淫祠禁競渡修學校立教條尋以誑謫交趾鎮守英國公張輔知其賢舉署交州府學事交人鮮知學源多所造就士以貢選至方岳者十餘人召還除吏部考功員外郎出爲鄭府右長史繪欵器圖進之王以盈滿爲戒王敬憚焉事聞賜勅褒美賚金帛尋改吏部文選郎中廉靜自持人莫敢干以私正統初擢江西右布政使會詔徙近卒戍遼東大甯萬全諸衛人心騷動源言於朝曰南人弱不耐寒雖至其地死亡必多不如置之近衛則人不失所而朝廷亦藉其力以爲用報可乃簡其幼弱者三千餘人隸南昌衛三年入覲上憫其老予致仕歸

潘裡章曰魏驥志源墓云正統三年入覲賜歸又十六年卒而英宗實錄於四年十一月下卽書源卒不識年月何以參差若是恐

當以墓志爲信

自號東吳遺老終日正衣冠焚香讀書足跡不入城市非仁義忠孝之道

不言卒年八十六源爲人溫雅樸愿言動無所苟歷事五朝文章政事見稱一時家無餘貲惟書籍萬卷而已孫昇子寅寅成化二年以貢爲曲陽縣訓導能詩文

雖貧未嘗干謁年六十六卒無子參獻集

潘樞章曰劉鳳言源用寬濟斥雖屢竟躋通顯以考終觀其所設施無異能碌碌不與物忤故自行間起得晉用非有所附麗然哉以余所聞乃不盡然源起行間得復用實以受知英公故無論源雅士非附麗人者而英公之賢亦非受人附麗者也江西通志盛稱源之為人與其文章政事英宗實錄為源立傳亦稱其在梧州賑飢之功及奏改遼東諸衛幼弱軍隸南昌衛甚為民便詳原始終鳳之論其亦少恕矣夫

平思忠字爾中初為縣小吏役滿考選建文二年授禮部主客司主事潘樞章云據曹名臣

錄云永樂中被薦授禮部主事諸書因之考莫志實以庚辰年授職益革除後記者諱之耳今按庚辰為建文二年永樂三年進郎中時方招懷外國朝貢踵至主客事殷思忠勤敏過人事至立辦尚書呂震才之俄坐事下獄適北部入貢他主客者多不稱旨震因言思忠習外國事即日赦出復其官刑科給事中楊弘稱敢言上擢為陝西左布政使時巨璫楊某在陝令弘往制之

吳江縣志

卷二十六 名臣

既又以弘少所論劾諭執政選清強有力者一人為參政吏部薦思忠上素識其名命之往有某府推官錄事思忠知其貪杖之後其人至京誣以贓刑部逮思忠就拷時有令凡受賂妄訴者答殺於市思忠不敢辨謫戍邊會太監劉馬兒奉詔市馬西域以思忠在客司久多識賈胡請以從詔釋其戍給冠帶隨馬兒西拉吐蕃烏思藏朶甘隴答等處赤斤蒙古罕東安定阿瑞曲先哈密等衛及大州亦力把力撒馬兒罕哈烈于闐諸國而還復免官家居以漁佃自給又數十年卒初知府况鍾與思忠同起小吏後繼思忠為主客及思忠參政鍾又繼為郎中數有交承之分鍾到郡思忠往見之鍾迎候甚恭飲之酒時方暑命二子執扇更侍思忠辭鍾曰非無僕隸欲使兒輩知公為我故人耳然思忠居貧自守未嘗以事干鍾人尤多之按明史况鍾傳載此事思忠性清簡善草書家有清娛樓一時士大夫皆贈以詩

參獻集

沈信字宗實其先長洲人徙吳江南郭永樂中為縣吏正統中授柘城典史守已

廉公不憚勞怨時屯田戍卒暴橫侵漁抗疏於朝一劾宿蠹上官器之攝縣事人
覲賜勅獎諭以母喪歸尋卒

范琮

徐志作宗非

字禎彥其先揚州人高祖淵字永澄輕財好施善吟咏元季避兵隱

居同里鎮因家焉父德字士能以長厚稱琮簡重寡言負才略宣德四年舉於鄉
以會試乙榜當授儒官自請卒業南京太學八年成進士正統初授工部都水主

事轉兵部武庫凡九年遷南京吏部驗封郎中轉文選兩署堂事廉公自守天順

四年遷廣東左參議

徐志作參政誤

清軍政覈民籍綜理有方姦宄屏息凡三年卒年六

十五初琮遭喪家居歲大稔途有餓孳出米百石爲飢粥以哺其死不能斂病不
能療者則給樽施藥人咸德之有許道師者以妖術聚衆剽掠鄉邨自長洲蔓延
同里時巡檢以事出吏兵莫知所爲琮設方計募丁壯擊之渠魁就擒餘皆溺水
死且推功令吏兵受賞其才略如是

見獻集

莫震字霆威綺川人子文九世孫正統四年進士五年授湖廣嘉魚知縣建公廨

吳江縣志

卷二十六

名臣

七

每秋冬巡行郊野修橋梁築隄堰爲民興利奏革五重湖河泊所時閩賊鄧茂七
作亂上官檄令率民壯出征震訓練有方若素知兵者縣有白面山產佳石楚王
請於朝遣使來採碑護衛軍爲暴震撻之而後具啓王賜宴謝之在嘉魚八年暇
與僚吏登山臨水飲酒賦詩有古循吏風景泰二年入覲敷運糧於邊舉重負以
畢事丁父艱歸服闋補海鹽修築捍海塘一百七十餘里遷建甯通判署郤武府
事賜敕旌異遷延平府同知致仕歸卒年八十一所著有由庵集嘉魚石湖二志

參獻集

莫昂字伯頤世居同里鎮祖子讓以高貴實京師遂爲宛平人景泰元年舉順天
鄉試授袁州府同知聽政之暇與諸生講學成就爲多有姦民武斷鄉里訟者千
數累歲不能決上官令昂治之立置於法又有劇盜僭號逐縣長吏出走昂承檄
悉生致之居九年以疾歸課子弟讀書後進多執經問難姪岱幼孤育之如己子
年五十三卒從子顯爲人謹厚居貧苦學正統十二年舉順天府鄉薦第一景泰

二年進士授行人卒

見獻集

梅倫續吳先賢贊作放姓陸正統實錄書撰字彥常尚湖人父鼎字致中樂善好

禮工吟詠所居號膠庵有林泉之趣以壽終見莫志倫正統十三年進士十四年九

月授刑部主事歷員外郎天順八年乞歸養居瓢溪倫久為郎官雍容無躁競心

時論賢之交章薦達成化初復起南刑部持法寬仁多所全活擢湖廣右參議提

調武當山兼理軍務職事既簡益務清靜數引方士治道術者與修導引法遂無

意仕進引年致仕生平廉介不愧古人年七十一自撰墓誌而卒

見獻集

劉鳳曰倫寬和有恒奉已約清於通塞之間無所繫吝稱可與立豈虛乎哉

盛景字允高一都人景泰二年進士潘樾章云分省人物志云天順間進士誤周建昌云按登科考景泰二年辛未第二甲第

二十七名盛昶下明注吳江人不知先賢贊何以誤為長洲豈以其有居第在郡城故耶縣志又稱盛景初作昶英廟改作景其事與夏仲昭文皇帝賜名從日在

上相同不知何所據而云然授監察御史清山東馬政值其地災傷上疏乞蠲民所負孳息從

之四年巡按廣東值黃蕭養亂後所在凋殘為掃除弊政更立制度下令寬簡不

吳江縣志

卷二十六

名臣

八

專用威而人畏之瀧水賊起景單騎抵其巢穴諭降之還朝劾巡撫侍郎揭稽不

職稽坐左遷六年七月景以時多災異而上方造龍舟作燕室乃偕同官倪敬等

爭之上怒命與杖景伏陛呼曰陛下聞古有殺諫臣者乎獨杖殺臣可耳無與諸

臣上益怒久之竟叱出明日盡逐遣景謫古田典史天順改元遷羅江知縣會歲

旱禱之得雨景曰此豈可恃乃教民鑿池一千二百五十餘所旱不能害遂為

永利盜胡元昂作亂景傳檄解散其黨遂捕元昂誅之不煩一兵德陽寇趙鐸

僭稱趙王所至屠僇攻成都覆官軍殺汪都司羅江舊無城景令引水繞負縣

田洞開四門市肆各閉戶藏兵於內又伏奇兵於山隈約砲舉齊發陽遣迎賊

賊入未半開戶舉砲景率死士突出遮擊賊首尾不相顧山隈伏兵復集合攻

大敗之邑賴以完七年陞叙州知府叙在山藪間適戎人珙筠高土猪叛朝廷

遣將征討景在行間前軍遇賊而敗景在後突之矢著兩耳益力戰賊驚亂景

乘之遂大克使者列上其功未報以贖謝歸後朝廷追理前勞特遣使資金幣

寶鈔賜其家卒年六十景性友愛自叙州還置第郡城呼兄弟共居之無間言又迎養姑姊之無依者景襟度灑落詩文高古獨以簡傲召毀明史云景雋爽負氣亦終不能

掩其大節云羅江無名宦祠景去後民肖其像於羅真觀提學胡直檄縣置祠且

為立傳參獻集明史按景於明史附倪敬傳中

潘樾章曰世固有建言為名高及一斤而弛然自放於職業無所當者若景之

折檻廷爭大義皦然不欺矣乃能建功於遷謫之餘厲節於介胄之下自非丈

夫為志窮益堅老益壯者能之乎而猶以簡傲不免於喻訾之口甚矣豪傑之

難為也

丁傑字世英景泰二年以貢授北京濟州衛經歷出納無私倉庾克實天順壬午

陞程鄉知縣會流寇竊發擒其渠魁楊明道等誅之已而廣西賊復入境藩臬重

臣制閩於潮戎馬旁午而傑調度有方餽餉不乏民賴全活以積勞聞有帑金綵

幣之賜致仕歸年六十八卒見文徵

吳江縣志

卷二十六

名臣

九

汝訥字行敏黎里人先世以資產雄鄉里父思聰字彥明始為吏德器溫雅恂恂

如儒生永樂中授瀘溪巡檢擒巨盜胡志生等以功擢中城兵馬副指揮遷南京

南城兵馬指揮於民所輸課鈔中得金錫二訪其主還之景泰元年致仕卒年七

十六訥少好儒術景泰四年舉於鄉成化初謁選吏部以善書薦騰英宗實錄授

中書舍人擢南京武選員外郎莫志作吏部員外郎誤今從徐志遷郎中時三原王恕為兵部尙

書訥與同郡李應禎嘉興呂憲鎮江莊景竝以文學為恕賓客後訥為汀州知府

以母憂歸服除會恕轉吏部選司承恕旨問訥所欲訥竟無言擬補南安恕以訥

文士不習案牘欲更之訥聞曰官可擇耶恕乃聽之南安界接嶺表土地瘠狹而

商貨委輸細民擔荷自備裁給朝夕勢家則坐而居積依倚官府役屬小姓一郡

苦之訥至奉行科法咸惠並行皆惴惴謹飭弘治二年致仕歸卒年六十一訥為

人聰明坦易善談論喜為詩文格韻平暢書法得晉人體小楷尤逸美可愛居官

三十年墨跡半天下田廬不改於諸生時竟以常調罷歸人皆惜之所著有學鳴

吳洪字禹疇父璋見孝友傳洪年十二為縣諸生動必循禮訓導江晟待諸生過嚴諸生將訴之督學御史洪曰弟子叛師猶子叛父也不可卒不署名事遂已舉成化十一年進士授南京刑部主事有廉節精於法比多所平反歷郎中久之擢貴州按察副使以喪歸服除起廣東巡視海道兼攝鹽政皆號利藪洪獨無所染御下不少假貸宿弊頓革御史王哲欲葺諸公署而難其費洪建議以為鹽法引納官錢若干獲利數倍願為權豪所專請均之於商使輸值佐役便從之費遂給鎮守中官初役四水驛舟各一久乃令輸金後又併徵其舟御史汪宗器銳意革之洪請釐正自今日始勿追所得金於是中官帖服徭人數為暴官軍往往濫殺要賞遣廷臣往按之悉以委洪廉得其狀捕誅首惡而慰撫其餘邊患遂息轉福建按察使建甯延平大水民貧且互劫輒便宜賑貸汀漳軍餉缺盜賊蠶起取征商之羨賑之士徭戍者有所索守臣集三司議洪曰不與則致叛與之則為例不

吳江縣志

卷二十六

名臣

十

若以貸為名而姑與之眾皆稱善

葉志以此為廣東副使時事誤今從獻集

復召入為太僕寺卿遷工

部右侍郎正德元年轉左侍郎理部務當劉瑾用事怨劉大夏誣以罪欲殺之下大臣議惟洪與都御史屠應峻力辨之乃得解徙南京刑部尚書有甯河王鄧愈之後與其弟爭賜田者恃瑾為援洪執法不阿瑾大怒勒令致仕洪曰吾志也遂歸凡十三年卒年七十八贈太子少保賜祭葬如例洪德量寬雅惠愛在人卒時其子山巖皆至大官後人顯者不絕

參獻集

趙寬字栗夫一都人性警敏絕人幼讀書數行俱下及長工詩及古今文同邑莫且奇其才以女妻焉成化十三年年二十舉於鄉卒業太學祭酒王與深加賞識名益起十七年試禮部同郡吳文定寬主試事得其卷大驚置第一梓其文以傳不加潤色時議猶以文定私其鄉里一日文定集諸公卿宴邸第命寬作玉延亭賦

山藥一

召玉延即席受簡頃刻千言文義燦然眾始嘆服授刑部主事歷郎中執法不撓主事盛應期范璋以管閘忤中官中官訴於上逮繫部獄同舍郎皆避不敢鞫

寬挺身任之。二人得從。未減謫官而已。一囚罪當死。尚書欲出之。寬不從。竟置於法。在刑曹十四年。以明允稱。陞浙江提學副使。品鑒精敏。士風丕變。在浙七年。陞廣東按察使。至則決滯獄。禁和買。以法約束。鎮守中官。政甫就緒。以暴疾卒。年四十九。寬清檢自持。居官二十餘年。貲產不增於未第時。遇人坦易。無谿谷。故人皆愛之。生平詩文。以不屬草多散佚。僅存半江集十二卷。寬弟歲字受夫。正德中。由舉人任廣東雷州府推官。嘗署海康縣篆。及府篆。及理潮州鹽政。並以廉幹爲上官所重。考最行。取至部。例應補御史。吏索賂不予。僅遷湖廣武昌府通判。尋謝歸。宏字克夫。爲詩有唐人風。不屑應舉。有漁庵集。參獻集 趙譜

葉紳字廷縉。汾湖人。性質雅。人皆稱爲長者。成化二十三年。進士。弘治改元。選老成司封。駁授紳戶科給事中。以母喪歸。三年。補吏科。進禮科。左給事中。以謹重稱職。七年。奉使閩浙。過家。值吳中連歲大水。民罹飢饉。紳上言。國家糧餉仰給東南。頃蘇松常杭嘉湖諸郡。水道湮塞。甚爲農事。害請擇任廷臣。中有才力者。疏通之。

吳江縣志

卷二十六

名臣

十一

并議蠲賑以甦民困。上報可。命工部侍郎徐貫。治水戶部主事祝萃。賑飢。貫至吳。遣官相度。開浚吳江。長橋吳淞江。白茆江。以及斜堰七浦諸處。水大泄。民甚德之。十年。紳以太子年十七。猶未出閣。請擇講官。教諭。尋以修省。陳八事。斥中官李廣。又劾尚書徐瓊。童軒。侯瓚。侍郎鄭紀。王宗彝。巡撫都御史劉瓛。張詰。張岫等。二十人。乞賜罷斥。而未言去。大姦則專劾李廣。八大罪。詎陛下以燒煉而進。不經之藥。罪一。爲太子立寄壇。而興煖炕之說。罪二。撥置皇親。希求恩寵。罪三。盜引玉泉。經繞私第。罪四。首開倖門。大肆姦貪。罪五。太常崔志端。真人王應祚。輩稱廣爲教主。真人。廣卽代求善官。乞賜玉帶。罪六。假果戶爲名。侵奪畿民土地。幾至激變。罪七。四方輸納上供。威取勢逼。致民破產。罪八。內而皇親駙馬。事之如父。外而總兵鎮守。稱之爲公。陛下奈何。養此大姦於肘腋。而不思驅斥哉。御史張縉等亦以爲言。帝曰。姑置之。踰數月。廣竟得罪。飲酖死。紳又極陳大臣恩蔭。葬祭之濫。下所司議。頗有減損。擢尚寶少卿。卒於官。參明史

王哲字思德弘治三年進士授監察御史巡按福建清軍伍理鹽法時有以同姓被誣爲戍卒者百餘家淹繫累年一訊卽出之十年巡按廣東南海十三村負固數爲亂鎮巡議屠之哲曰村戶不下萬餘玉石俱焚吾不忍也乃率廣州知府輕騎至其巢諭以禍福許自新皆感泣解散又每村立土里長以約束之卒以無事十二年上言凡有罪遷口外爲民者跋涉萬里風土不宜往往疾病道死請自後兩廣雲南貴州四川福建應遷口外者悉發近衛爲軍下所司議行之遭父喪去官十五年再按江西鎮守太監董讓怙勢驕縱至匿盜賊哲首劾其不法上切責讓遂合哲治盜哲嚴督有司擒其渠魁勅賜獎諭時天大旱種不入土哲親錄繫囚釋所當原者數百人翌日雨是歲有秋善斷疑獄民有女奴自逃其讐指爲所殺訟於官獄成哲覆訊見有冤色使人密偵女奴所在得之得不坐又有大姓被盜因誣其怨家賂鎮守欲置諸法哲察其誣立出之鎮守怒衆亦以爲疑後眞盜獲始皆愧服甯王宸濠橫甚亦斂跡不敢忤民爲之謠曰江西有一哲六月飛霜

吳江縣志

卷二十六

名臣

十一

雪天下有十哲太平無休歇十六年遷山東按察司副使備兵臨清貢夷 觀私市鹽罔利事覺哲請沒鹽於官而給其直人謂得柔遠體時劉瑾初得志中官有忤瑾斥南京者道死臨清哲具棺埋之人爲之懼弗恤也正德三年陞廣東按察使數建大議明年擢南京右僉都御史管理操江上言操軍平弱異日有警不能支其後流賊弄兵江上果如所慮五年改北院巡視南贛汀漳等處會江西盜起朝命哲往撫或問哲弭盜術哲曰在安民旣至黜貪吏去苛政盜聞皆解散尋以病乞歸踰年卒年五十七賜祭如例哲器局宏邁志行剛果所在有聲居家孝友遇貧賤不改其平生哲嘗言說好語行好事爲好人題所居曰好齋故所著名好齋集共十卷初豐城諸生雷禮有墓地爲勢家所奪訴之有司不敢問哲鞫得其狀時勢家已葬哲竟令徙之而還其地禮後貴顯爲具疏請蔭其孫度官兩浙鹽

運司運判

參獻集
文徵

潘樞章曰實錄稱哲爲御史頗有風裁後撫江西時逆藩宸濠常以計去守臣

不附已者哲自濠所宴飲歸而病或謂濠中以毒云而徐志稱宸濠畏憚投以
鳩毒幸不死遂以疾乞歸踰年卒墓誌則謂其病實以憂勞所致考哲去官在
正德六年而卒於八年九月則憂勞成疾之說果信耶余近從其家得其從孫
鼎所記遺事云宸濠欲結婚於公公潛窺其有不軌志遂力拒之是歲夏杪宸
濠宴諸督撫密置孔雀毒血於瓜上進公食之少頃煩懣口不能言至欲自投
於井幸羣僚立救厘免殞耳上聞其忠令馳檄還鄉而竟以毒發終悲哉然則
中毒之事通國皆知之而墓誌作於宸濠未敗時故曲諱之耳誌又言公在江
西有都司以賊革者福建林公俊來巡視復用之公不可俊怒移文語侵公公
不以介意諭三司曰林公先朝名臣處斷必不苟蓋偶未詳耳令再具事本末
以請俊大悔悟即罷弗用因重愛公比歸賦詩贈別送之數程噫公之為人豈
特彊直自遂而已哉

卷之二十七

人物四

吳江縣志

卷二十七

名臣

十三

名臣二

盛應期

陸鰲

吳山 子邦棊

吳巖

顧昂

沈漢

張銓

王守

趙禴

葉可成

計江

顧曾唯

周大章 弟大韶

潘志伊

子錫祚

陳王道

盛應期字斯徵高祖寅見藝能傳應期弘治六年進士

朱鶴齡云按登科錄明刻應期爲吳江人各賢小紀

云長洲者誤也是科爲弘治癸丑云成化癸丑者又誤也

授工部都水司主事十年出司濟甯諸牘啓閉以時

令艦相銜進無得爭先戚里近倖舟挾私貨輒沒入之時太監李廣方貴幸其家
人販私鹺至濟甯聞應期令嚴悉投諸水去廣怒會南京進貢內臣秦文誣應期
阻薦新船大不敬廣從中搆詔逮錦衣衛獄謫雲南安甯驛丞稍遷祿豐知縣祿
豐古錄瑋地烏焚蠻所居俗獷悍習盜教以禮法弛捕盜之禁盜皆首伏化爲良

